



ZARAUZKO UDALA



**ZARAUZKO UDALAREN ETA ZUREKIN ZARAUZKO OSTALARIEN ELKARTEAREN
ARTEKO HITZARMENA, "EMAN BOSTEKOA!" BONUEN PROGRAMA
KUDEATZEKO**

Zarautzen, 2021eko urriaren 26an

BILDU DIRA

Xabier Txurruka Fernandez jauna, Zarauzko Udalaren alkate gisa.

eta

Martin Arguiñano jauna, ZUREKIN Zarauzko Ostalarien Elkartearen ordezkaria, lehendakari gisa.

Bi aldeek hitzarmen hau formalizatzeko behar besteko lege-gaitasuna eta ordezkaritza aitortzen diote elkarri, eta horri jarraiki honakoa

ADIERAZTEN DUTE:

LEHENA

2021eko apirilaren 15ean, Zarauzko Udalak eta ZUREKIN Zarauzko Ostalarien Elkarteak (aurrerantzean ZUREKIN) lankidetza-hitzarmena sinatu zuten udalerriko turismoa eta ostalaritza indartzeko eta sustatzeko.

Ondorengo jarduerak adostu ziren, besteak beste:

- Ekimenak martxan jarri, herriko ostalaritza eta sektore turistikoa indartzeko.
- Programak martxan jarri, herriko hainbat eragilerekin elkarlanean

COVID-19ak gure herriko turismo sektorean sortutako egoera dela eta, Udal honek erabaki zuen 2021ean hainbat ekintza eta laguntza gauzatzea, zuzenean edo zeharka hortik bizi diren ehunka familiei laguntzeko, eta, bide batez, gure sektoreari eusteko eta gure herriari bizia emateko.

BIGARRENA

Dirulaguntzei buruzko azaroaren 17ko 38/2003 Lege Orokorraren 12. artikuluan, erakunde laguntzailearen figura jasotzen da, eta honela definitzen da: dirulaguntza ematen duen organoaren izenean eta haren kontura lan eginez, onuradunei funts publikoak eman eta banatzen dizkiena, oinarri arautzaileetan hala ezartzen denean, edo dirulaguntza kudeatzen laguntzen duena, jasotako funtsak aldeztatik eman eta banatu gabe. Funts horiek ez dira inondik ere bere ondarearen zatitzat hartuko.

HIRUGARRENA

Bonu horiek eraginkortasunez kudeatzeko, nahitaezkoa da ZUREKINen lankidetza. Horrenbestez, eta bi aldeak ados daudenez, honako hitzarmen hau sinatzea adostu dute, ondorengo klausulen arabera:



Bonu horiek eraginkortasunez kudeatzeko, nahitaezkoa da ZUREKINen lankidetzak. Horrenbestez, eta bi aldeak ados daudenez, honako hitzarmen hau sinatzea adostu dute, ondorengo klausulen arabera:

KLAUSULAK

Lehena.- Xedea

Hitzarmen honen xedea da ZUREKINek "Eman bostekoa!" bonuen kanpaina kudeatzea, ostalaritzan eta ostatueta kontsumoa bultzatzeko behe denboraldian, hitzarmen honen eranskinean azaltzen den araudiarekin bat etorriz.

Bigarrena. Establezimenduek bete beharreko baldintzak

Zarautzen establezimenduak dituzten ostalaritza- eta ostatu-enpresei zuzenduta dago programa (merkataritzakoak eta antzekoak kenduta).

Hirugarrena.- ZUREKINen betebeharrak

ZUREKINek honako betebeharrak ditu:

- a) Programan atxikitzeko eskaerak tramitatu.
- b) Ostalaritza eta ostatueta bonuak kudeatu (jarraian jasotako araudiaren arabera).
- c) Egiaztatu, hala badagokio, bonuak adjudikatzeko baldintza edo betekizun erabakigarriak betetzen direla eta eraginkorak direla.
- d) Jasotako funtsak entregatu dituela justifikatu dirulaguntza eman duen organoaren aurrean, eta, hala badagokio, onuradunek aurkeztutako justifikazioa aurkeztu.
- e) Udalak funts horien kudeaketari buruz egiten dituen egiaztapen-jarduerak onartu, jarduerok gauzatzean eskatzen zaion informazio guztia emanez.

Laugarrena.- Epeen iraupena

Hitzarmen honek ondorengo iraupena izango du: 2021eko urritik 2022ko urtarrilaren 31 arte.

Bosgarrena.- Finantziak

Bonuak finantzatzeko gehieneko kreditua 45.000 eurokoa da.

Zenbateko horretan ondorengo kontzeptuak aurreikusita daude:

- Kanpainaren berezko gastu guztiak (txartelak inprimatzea, kudeaketa finantzarioa, diseinu grafikoa, etab.)
- Bonuak. Gutxienez ondorengo kopuruak zuzenduko dira berez bonuetara:
 - o 43.000 € bonotan, atxikitzen diren ostalaritza- eta ostatu-enpresen artean banatzeko



ZARAUZKO UDALA



Gastua aurrekontu-partida honen kontura egingo da: 1501.481.02.430.00 2021 Dirulaguntza: Zurekin.

Bestalde, ZUREKINEK 4.000 € (BEZ barne) jasoko ditu konpentsazio moduan. Kopuru hori, faktura bidez ordainduko zaio ondorengo partidatik: 1 1501.226.11.430.00 2021 Merkataritza eta ostalaritzaren dinamizazioa.

Seigarrena.- Justifikazioa aurkezteko epea eta modua

ZUREKINEK 2022ko urtarrilaren 31 baino lehen justifikatu beharko du onuradunei funtsak entregatu dizkiela. Horretarako, dagozkion ordainagiriak aurkeztuko ditu.

Zazpigarrena.- Kontabilitateko liburuak eta erregistroak

ZUREKINEK dagozkion kontabilitate-liburu eta -erregistroetan formalizatu beharko du establezimendu onuradunen artean bi aldietako bakoitzean egindako banaketa.

Zortzigarrena.- Funtsak itzultzea

ZUREKINEK itzuli egingo ditu funtsak, baldin eta hitzarmen honetan edo programaren araudian jarritako baldintzak eta betebeharrak betetzen ez baditu.

Eta agiri honetan jasotakoarekin eta hitzartutakoarekin ados daudela adierazteko, bi aldeek dokumentu honen bi ale sinatzen dituzte, goiburuan adierazitako lekuan eta egunean. Alde bakoitzak ale bat jaso du.

Agiri honekin batera erantsita doaz atxikipen-eskaera (negozio interesdunek osatu eta sinatu behar dutena) eta "Eman bostekoa!" programaren funtzionamendu-araubidea.

"Eman bostekoa!" PROGRAMAREN ARAUDIA

1. "Eman bostekoa!" programa ZUREKIN Zarauzko Ostalarien elkarteak kudeatzen du, Turismo Departamentuaren laguntzarekin eta Zarauzko Udalaren finantzaketarekin eta ikuskapenarekin.
2. Zarautzen establezimenduak dituzten ostalaritza- eta ostatu-enpresentzat da kanpaina hau (merkataritza eta antzekoak ez dira hemen sartuko).
3. Programa 2021eko urria eta azaroa bitartean egingo da. Datak alde aurretik jakinaraziko dira.
4. Gutxienez 8.600 bonu banatuko dira (edo besteren bat gehiago, ekintzari erantsitako gastuen arabera).



5. Enpresa bakoitzak izango duen bonu-kopurua kanpainan parte hartuko duten enpresa-kopuruak baldintzatuko du. Horrela, bonu-kopurua zati enpresa-kopurua egingo da, enpresa guztiek bonu-kopuru bera izan dezaten; modu honetara, ekitatea lortuko da banaketan.
6. Establezimendu bat baino gehiago dituzten enpresen kasuan, gehienez ere 2 establezimenduk eskuratu ahal izango dituzte bonu horiek, baldin eta Ogasun Higiezinaren gaineko Zerga (OHZ) bakoitzak berea ordaintzen badu.
7. Bonuek 5 euroko balioa izango dute. Programa honetan parte hartzen duten establezimenduek bonuak banatuko dituzte beren bezeroen artean. Kontsumitze-tiket bakoitzeko gehienez bi bonu entregatuko dituzte.
8. Enpresak entregatutako bonuak hurrengo kontsumoan kanjeatuko ditu bezeroak. Enpresak gehienez ere 2 bonu onartu ahal izango ditu kontsumitze-tiket bakoitzeko.
9. Ez dira onartuko bonua baino balio gutxiagoko salmenta edo kontsumo ticketak
10. Enpresak bonu guztiak erabili ondoren, Turismo Bulegora eraman beharko ditu "Eman bostekoa!" jatorrizko txartelak, kontsumitze-tiket bakoitzaren kopiarekin grapatuta.
11. Faktura edo kontsumitze-tiketa argi eta garbi ikusi beharko da kontsumitze-data.
12. Ostalariak eta ostalariak, programara atxikitu ahal izateko, kanpainarako sortutako formularioa bete beharko dute. Edozein zalantza argitzeko 688614473 telefono zenbakira deitu dezakete.
13. Bezeroek 2021eko azaroaren 5etik abenduaren 3ra erabil ditzakete kanpaina honetako bonuak.
14. Parte hartuko duten enpresek Turismo Bulegoan (Kale Nagusia 30) hartu ahal izango dituzte bonuak 2021eko azaroaren 2tik 5era.
15. Ez dira onartuko dataz kanpo egindako salmenta hobaridunak.
16. Enpresa parte-hartzaileak edukiko dituzte bonuak bezeroen eskura.
17. Parte hartzen duten enpresek ezin izango dituzte bonuak gorde, ezta bezeroen batentzat jaso ere.
18. Kontsumitzaileak adinez nagusia izan beharko du.
19. Erabilitako bonuak 2021eko abenduaren 13tik 17ra (biak barne) Turismo Bulegoan entregatu beharko dira, ordainketarako, honako ordutegian: 09:30-13:30.
20. Txeke izendunaren bidez ordainduko da, enpresaren izenean.
21. Enpresa parte-hartzaileak kanpainaren ezaugarrien berri eman beharko die kontsumitzaileei.
22. Kartela edo beste sustapen-elementuren bat egongo balitz, erakusleihoan edo erraz ikus daitekeen lekuren batean jarri beharko dute edo egoki hedatu.



ZARAUZKO UDALA



23. *Enpresak eskatutako informazio eta dokumentazio guztia eman beharko die Zarauzko Udalari edota ZUREKINen kudeatzaileari kanpainaren berezko baldintzak behar bezala betetzen direla egiaztatzeko.*
24. *Bonuak kobratzean, enpresak inkesta bat bete beharko du.*
25. *Atxikitze-agiriaren sinatzaileak baimena ematen die Zarauzko Udalari eta ZUREKINi "Eman bostekoa!" programan parte hartzeko emandako datuak erabil ditzaten programa hori gauzatzeko eta enpresarentzat garrantzitsua den beste edozein informazio jakinarazteko (laguntzak, kanpainak, formakuntza...).*

ALKATEA

ZUREKINEKO LEHENDAKARIA

Xabier Txurruka

Martin Arguiñano